

Փաստաւոր

ՏԻՄ-2016. Հաջողության գործակից



ՀՀ ԿԸՀ տվյալներով՝ հանրապետության 10 մարզի 690 համայնքում սեփականաբերի 18-ին և հոկտեմբերի 2-ին կայացած ՏԻՄ ընտրություններում առաջադրված 5706 ավագանու թեկնածուներից 674-ը կանայք էին, նրանցից 497-ն ընտրվել են: Ավագանիների ընտրված անդամների ընդհանուր թվում կանայք կազմում են 11,5%, ինչը 2%-ով ավելի է նախորդ ընտրությունների արդյունքներից: 2016-ի ընտրություններում կին ավագանիների թիվը գրեթե կրկնակի աճել է Արարատում և Արագածոտնում, սակայն զգալի նվազել Գեղարքունիքում, Շիրակում և Վայոց ձորում:

Այսօր կանայք 17 համայնք են ղեկավարում



ՀՀ տարածքային կառավարման և զարգացման նախարարության տվյալներով՝ կանայք ղեկավարում են.

- Արարատի մարզի՝ 4. Դվին, Արմավիրի մարզի՝ Արևաշատ և Արտամետ,
- Գեղարքունիքի մարզի՝ Գեղաքար, Ծափաթաղ, Շատրոն, Լոռու մարզի՝ Բազում, Դաշտադեն, Մեղվահովիտ, Պաղարյուր,
- Կոտայքի մարզի՝ Նոր Երզնկա, Շիրակի մարզի՝ Ախուրիկ, Ամասիա,
- Սյունիքի մարզի՝ Հացավան, Շիկահող, Շրվենանց, Տորունիք համայնքները:

Հայաստանի երեք մարզում՝ Արագածոտնում, Տավուշում և Վայոց ձորում, կին համայնքի ղեկավարներ չկան:

Հանրապետության որևէ քաղաք կին չի ղեկավարում:

ՏԻՄ-երը եԱԳԿ երկրներում



2016 թ. տվյալներով՝ կանանց ներկայացվածության միջին ցուցանիշը եԱԳԿ երկրների տեղական ինքնակառավարման մարմիններում կազմում է 36%: Համայնքների ղեկավարների թվում կանայք կազմում են 5-25%. փաստում է «եԱԳԿ տարածաշրջանում կանանց քաղաքական առաջխաղացման լավագույն պրակտիկաները» գեկույցը: Նշենք, որ դեռևս 1999 թ. եվրոպայի խորհրդի տեղական և տարածաշրջանային իշխանությունների կոնգրեսը բանաձև ընդունեց, որը նախատեսում է ապահովել տեղական որոշումների կայացման մակարդակում կանանց և տղամարդկանց հավասարակշիռ ներկայացվածությունը:

Կինը և քաղաքականությունը

Համայնքների խոշորացում. Նոր «ապակյա առաստաղ» կանանց համար



2016 նոյեմբեր

Անվճար հավելված www.WomenNet.am

«Եթե ոչ ես, ապա՝ ո՞վ»



Լուսանկարում: Դեմոկրատիկ Սկրտչյանը, Արմենուհի Վարդանյանը, Քրիստինա Մկրտչյանը

«Հայրենիքն ինձ համար սարն ու քարը չէ, հրապարակներն ու փողոցները չեն, Արարատն ու Սևանը չէ, հայրենիքն այն փոքրիկն է, ով ծնողների ձեռքը բռնած՝ հեռանում է Հայաստանից, կտրվում իր արմատներից... Դեռանում է մեր բոլորի ապագան: Ես չեմ ուզում հեռանալ, ես ուզում եմ պայքարել՝ համուճ հեռազարդած «հայրենիքի»: Եթե ոչ ես, ապա՝ ո՞վ. այսպես ենք մտածել՝ մասնակցության որոշում կայացնելուց առաջ», - ասում է ԳԱԼԱ հեռուստաընկերության լրագրող Արմենուհի Վարդանյանը, ով իր համախոհների հետ հոկտեմբերի 2-ին մասնակցել է Գյումրու ավագանու ընտրություններին ԳԱԼԱ կուսակցության համամասնական ցուցակով: Ի դեպ, Գյումրու և Վանաձորի ավագանու ընտրությունները հետաքրքիր օրինակաբանություն բացահայտեցին. կուսակցությունների շատը ներկայացան իրենց երիտասարդական թիմերով, որոնց համար «Եթե ոչ ես, ապա՝ ո՞վ» հարցադրումը կենսակերպ է...

Մորատեղծ քաղաքական ուժի՝ «Գաղափարակից լիբերալների այսամ» կուսակցության՝ ԳԱԼԱ-ի ընտրական ցուցակում ընդգրկված 22 թեկնածուներից 7-ը, այսինքն՝ 32%-ը կանայք էին: Առաջին տասնյակում երեք կին թեկնածու կար. 3-րդ հորիզոնականում՝ Քրիստինա Մկրտչյանը, ով Galatv.am կայքի գլխավոր խմբագիրն է, 5-րդ հորիզոնականում՝ Արմենուհի Վարդանյանը և 7-րդ հորիզոնականում՝ Դեմոկրատիկ Սկրտչյանը: Երեքն էլ անկախության հասակակիցներ են, լրագրող, ԳԱԼԱ կուսակցության և «Թին ռեսուրս» քաղաքացիական նախաձեռնությունների կենտրոն» ՀԿ անդամ:

Ինչպես մեզ հետ զրույցում նշեց Արմենուհի Վարդանյանը, կանանց ներկայացվածությունն իրենց ցուցակում ամենևին էլ տուրք չէ օրենքի պահանջին, որովհետև կանայք իսկապես բավականին ակտիվ են իրենց կուսակցությունում և լավ ճանաչված Գյումրիում իրենց լրագրողական ու հասարակական գործունեության շնորհիվ: Գյումրեցիները նրանց տեսնելով հաճախ ասում են՝ ԳԱԼԱ-ի աղջիկները: «Եվ մենք հպարտ ենք, որ այս արտահայտությունը զուգորդվում է վճռականության, համարձակության, սկզբունքայնության հետ», - ժպտալով պարզաբանեց մեր զրուցակիցը: «Մեր թիմում միշտ էլ կանայք ունեն առանձնահատուկ դեր և նշանակություն, և անհամեստ չի լինի, եթե ասեն, որ Գյումրիում գրեթե բոլորն են ճանաչում ԳԱԼԱ-ի աղջիկներին: Ճանաչում են, քանի որ տարբեր ժամանակահատվածներում մեր թիմի կանայք այնքան ընկեր իրենց պայքարող տեսակով, ու մեր կին թեկնածուներից յուրաքանչյուրն առանձնանում է իր գործելանոճով», - հավելեց Դեմոկրատիկ Սկրտչյանը: Ընտրությունների արդյունքներով ԳԱԼԱ-ն 4 մանդատ ստացավ, և ավագանու անդամ դառնալու հնարավորությունը ըստ ցուցակի ընձեռվեց միայն կուսակցության վարչության անդամ Քրիստինա Մկրտչյանին: Սակայն այսօր ԳԱԼԱ կուսակցությունը բոլորովին է Գյումրու ավագանու նիստերը մինչև դատական գործընթացի ավարտը՝ այդպես բողոքարկելով ընտրություններից հետո տեղի ունեցած մանդատների բաշխման կարգը: Հիշենք, որ Գյումրու ավագանու ընտրությունները կանոնակարգող թիվ 34 ընտրատարածքային ընտրական համայնքում ընտրվեցին 15-ի փոխարեն բոնուսային ևս 2 մանդատ շնորհից «Բալասանյան դաշինքին» և դրանով իսկ քաղաքապետ ընտրելու իրավունք տվեց: Մեզ հետ զրույցում Քրիստինա Մկրտչյանն ասաց, որ առայժմ նպատակահարմար չեն համարում վերցնել իրենց հասանելիք մանդատներն ու մասնակցել ավագանու նիստերին՝ լեզվատեղիներով տեղի ունեցածը: Հարցին՝ մտավիտություն արդյոք չունե՞մ, որ ընտրողները, որոնք վստահության թվե են տվել ԳԱԼԱ-ին և հույսեր կապել նրա հետ, կարող են հիասթափվել մանդատ չվերցնելու և ավագանու նիստերին չմասնակցելու իրենց որոշումից, Քրիստինա ասաց, որ երկար են մտածել այդ հարցադրման շուրջ:

«Իրականում ունեինք մեզ մտավիտություն, կուսակցությունում այդ հարցը քննարկվել է, ինչ-որ տեղ նաև տարածաշրջաններ կային, քանի որ մտածում էինք՝ իսկապես ճիշտ ենք վարվում, թե՞ ոչ: Այնուամենայնիվ գտնում ենք, որ մեր ընտրողների համար էլ գերակա է այն պայքարը, որը այսօր տանում ենք տեղի ունեցած անարդարության դեմ, ինչի արդյունքում քաղաքապետը, ըստ էության, ապօրինի նշանակվեց: Մեր բոլորող հավերժ չէ, այլ մինչև դատական գործընթացների ավարտը: Այս ընթացքում նաև աշխատում ենք որպես ավագանու անդամ քաղաքացիների հետ՝ ընդունում ենք նրանց, հայտարարություններ այդ մասին պարբերաբար հեռուստաընկերությամբ գնում է, քաղաքացիները գալիս են ԳԱԼԱ կուսակցության գրասենյակ, մշտապես կապի մեջ ենք մեր ընտրողների հետ», - ասաց նա, հավաստիացնելով, որ անկախ նրանից՝ այս պահին մանդատը վերցրել են, թե ոչ, իրենք քաղաքացու կողքին են...

ՏԻՄ համակարգը 20 տարեկան է

Այս տարի տեղական ինքնակառավարման համակարգը Հայաստանում նշեց իր 20-ամյակը. առաջին անգամ ՏԻՄ ընտրություններն անցկացվել են 1996-ի նոյեմբերի 10-ին: Համակարգը դեռևս զարգացման փուլում է, անելիքներ շատ կան, կայացածության ցուցանիշներից մեկն էլ կանանց մասնակցությունն է տեղական որոշումների ընդունման մակարդակում: ՏԻՄ-երի գոյության 20 տարվա ընթացքում կանանց թիվը համայնքների ղեկավարների թվում գրեթե չի փոխվել՝ տարիներ շարունակ մնալով 2%-ի սահմաններում: Այդ նույն ժամանակահատվածում կանանց թիվը ավագանիների կազմում գրեթե կրկնակի աճել է, սակայն այն շարունակում է շատ ցածր մնալ՝ կազմելով ընդամենը 11,7%: ՀՀ տարածքային կառավարման և զարգացման նախարարության տվյալներով՝ ներկայումս Հայաստանի 793 համայնքներում գործում են 5368 ավագանու անդամներ, որից 633-ը կանայք են:



